

Merz 19, 2008
Tapvainak Kaujigatsak

Nunatsiavut sivullipâmik AngajukKâsammik annigusuttisinninga

Sivullipâmik annigusunnik AngajukKâsanganik Nunatsiavut ulluKalâttuk Dienstâg, Mai 6, 2008. First Minister ammalu Mânnaujuk AngajukKâk Tony Andersen uKakKaujuk ullumi.

“Annigusunnik sakKititsigiallaniattuk ikKaumajaugunnatumik pigianninganit Nunatsiavut,” uKajuk Mr. Andersen. “Tâkkua ulluit pimmagittut Labrador Inunginnit, ammalu nakummegutiKavunga pivitsaKalaugama Mânnaujuk AngajukKângugiamut takKini Kângisimajuni. Sivunitsamut pannaigutiKavunga, ammalu pikKujillunga ilonnainik Ikajuttaugutilinnik ilauKataukKulugit pusiuniattuni.”

AngajukKâsammik annigusunnet pigialet sittamait jâret nâgaippat sivullipângani Dienstâgimi Mai-gutillugu, iluanettutut Nunatsiavut Anngigusunnimi Maligatsangani. (Sivullipâmi annigusuttuKalauKuk Oktober 3, 2006-imi; kingullia annigusunnisak Dienstâgimi Mai 2010.)

Annigigatsasiugutet tunijaugialet Nunatsiavut Annigusunnimi kamajillaginganut Jack Shiwak. NukKalâttuk annigigatsasiunnik Aprel 7, Kitigalimi 12. Ununnisauppat atausimik annigigatsak, annigusuttuKalâkKuk nunalinni Nain, Hopedale, Postville, Makkovik, Rigolet, North West River amma Happy Valley-Goose Bay. (Nunalet Mud Lake-imi annigusugunnatut Happy Valley-Goose Bay-mi) Ikajuttaugutilet annigusugunnatut, tâvatuak nunaKagatik Kulânnettuni, annigusugunnatut allalitjusiakkut annigusutinni. Allalitjusiakkut annigusotet tunijaulâttut ilonnainut Ikajuttaugutilinnut angutiup annaulonnet nunangata tugâgutingani.

Annigijaugiamut AngajukKângugiamut, sâlaKajuk ununninginnut annigijausimagialik annigusuttunut. Ununningit annigususimangipata, kingullimi annigusujuKagiaKavuk 30-ni ulluni akungagut maggok annigigatsâk ununnipânut annigijausimajok sivullimi annigusujuKatillugu.

Malillugu Labrador Inuit PikKujatsuanga, annigijaugumajut AngajukKângugiamut imailingaialet:

- Labradorimi Inullu nunaKalluni Canada-mi
- jâriKalluni 25-inik
- tukisialluni uKâlasongulunillu Inuktitut;
- pannanaitsimagani, maligatsaKagani upvalu asiagut maligatsatigut kamagijaugani;
- isumatsiagittoluni;
- kenaujaigutisimagani;ammalu
- akilitsaKagani tâksinik akilittaugialinnut Nunatsiavut kavamanganut upvalu Inuit Nunalet kavamanginnut.

Kaujigiallagumajut Kaujititsigunnatut:

Jack Shiwak
Nunatsiavut Annigusunnimi kamajillaginga
709-947-3419
709-947-3367(tuavittutigut)